



Bivši pripadnici HVO-a osumnjičeni za ratne zločine

Specijalci SIPA-e uhapsili svog bivšeg direktora

Marko Dominković početkom 2012. bio na čelu SIPA-e • Uhapšeni Stijepo Đurić, Mato i Anto Živković bili pripadnici Vojne policije HVO-a u Orašju

Pripadnici Državne agencije za istrage i zaštitu (SIPA) jučer su u Orašju, po nalogu Tužilaštva BiH, uhapsili deset osoba koje se sumnjiče za ratne zločine s početka četverogodišnje agresije na BiH.

Osnovi sumnje

U akciji su uhapšeni Đuro Matuzović, Ivo i Tado Oršolić, Josko Nedić, Marko Baotić, Marko Blažanović, Mato i Anto Živković, Stijepo Đurić i bivši vršilac



Dominković: Do dolaska Zupca bio v. d. direktora

Zabrinutost Hrvatske

Ministarstvo vanjskih i evropskih poslova (MVEP) RH izrazilo je zabrinutost zbog hapšenja bivših pripadnika HVO-a u Orašju i zatražilo od vlasti BiH da dozvole posjetu i razgovor s uhapšenim hrvatskim državljanima.

Ambasadoru Hrvatske



U akciji uhapšeno deset osoba

dužnosti direktora SIPA-e Marko Dominković.

Iz ove agencije saopćili su da za svih deset uhapšenih postoje osnovi sumnje da su od maja 1992. do jula 1993. godine, na području Orašja, počinili zločin protiv čovječnosti i ratne zločine protiv zarobljenika.

- Osumnjičeni se terete da su, kao pripadnici struk-

tura HVO-a u Orašju, Vojne policije HVO-a i policijskih struktura, kao i stražara u logorima i objektima za zatočenje, počinili ratni zločin nad većim brojem žrtava srpske nacionalnosti s područja Orašja i okolnih mjesta - kazali su iz Tužilaštva BiH.

Ova hapšenja izazvala su i reakcije udruženja nastalih tokom rata na području Posavine, čiji su pripadnici iskazali ogorčenje, a naročito je prašinu podigla informacija da je uhapšen i Marko Dominković, donedavni kolega SIPA-inih specijalaca koji su ga priveli.

Dominković je za v. d. direktora SIPA-e imenovan u januaru 2012. godine. Na toj poziciji ostao je do imenovanja Gorana Zupca.

Kako saznaje "Dnevni avaz", sedam od deset uha-

pšenih obavljali su ili i dalje obavljaju visoke policijske ili vojne dužnosti.

Vojni službenici

Đuro Matuzović, general HVO-a u penziji, bio je tokom ratnih događanja komandant Zbornog područja u Orašju, a Ivo Oršolić komandant 106. brigade HVO-a Orašje.

Tado Oršolić svojevrmeno je bio kantonalni ministar unutrašnjih poslova u Orašju, a u vrijeme rata bio je jedan od čelnika Policijske stanice u Orašju. Josko Nedić, Marko Baotić i Marko Blažanović bili su visoki vojni službenici HVO-a u Posavini tokom agresije na BiH.

Mato i Anto Živković te Stijepo Đurić bili su pripadnici Vojne policije HVO-a u Orašju. **E. TRAKO**